

sagement / et pource ie conseille quilz soiēt guere donnez en tel maniere quilz entendent plus liemēt en la cure de faille / car iacoit ce quilz soient tes amis / tou tesuoyes tu ne dois pas souffrir quilz te seruēt pour neant / mais les dois pl⁹ largement paier et regueredonner. Mais quant a la proposition que les phisiciens adiousterent que es maladies vng contraire se garit par son aultre contraire ie voudroie biē scauoir comme tu lentens. Certes dit melibee ie lentēs ainsi / car quāt il mont fait vng cōtraire que ie leur en face vng aultre / et pour ce quilz se sont vengies de moy et mont fait iniure ie me vengeray deulx et leur feray iniure / lors auray cure vng cōtraire pour aultre. Or veez dit prudence cōme vng chascun croit legierement ce quil veult et ce quil desire. Certes dit elle les poles des phisiciens ne doiuent pas ainsi estre entendues / car mal nest pas cōtraire a mal ne vengeance a vengeance ne iniure a iniure mais sont semblables. Et pource vengāce par vengeance ne iniure par iniure ne se peult curer ains acroit tousiours lunie lautre. Mais la parole doit estre entendue ainsi / car mal et bien sont contraires paix et guerre vengeance et souffrance discort et accort et aussi moult daultres / mais mal se doit garir par bien discort par accort guerre par paix et ainsi de to⁹ les aultres. Et ad ce saccoide saint pol lapostre en moult de lieux. Ne rēdes dist il mal pour mal ne mesdit pour mesdit mais faictes biē a celuy qui mal vous fera / et benissies celuy qui vo⁹ maldira / et en moult daultres lieux il admoneste moult a paix et a accort.

O conuient parler du conseil que dōnerent les aduocas les sages et les anciēs q̄ furēt tout dung accort / et dirēt que deuant toutes choses tu dois mettre diligēce en garder ta personne et en garnir ta maison et dirent aussi quen ceste besoigne lon doit aler auiscement a grant deliberaciō. Quāt au premier point qui touche la garde de ta personne tu dois scauoir que cil qui ha guerre doit tous les iours deuant toutes choses humblement et deuotemēt demander la grace le confort et laide de dieu qui est tout puissant / car en cestuy mōde nul ne te peult garder ne deffendre souffisamment sans la garde de nostre seigneur. Pource dit dauid le prophete. Se dieu de la cite nest garde pour neant veille qui la garde / apres la garde de ta personne tu la dois mettre a tes loyaulx amis esprouuez et cognuz et a eulx dois demander aide et confort pour toy garder. Car cathō dit. Se tu has besoing daide demāde la a tes amis car il nest nul si bon phisicien comme le loyal amy. Apres tu te dois garder de toutes gēs estrāges desquelz tu ne cognois les manieres ne leurs cōdicions